

Kubo prioritatas laborkreadon kaj protekton de junularo

Image not found or type unknown




Foto: PL

Havano, jan 11 (RHK) Kubo hodiaŭ donas altan prioritaton al la disvolviĝo de agoj por plibonigi dungadon kaj prizorgadon de junuloj, kiuj studas aŭ laboras kaj vivas en familioj en vundeblaj kondiĉoj.

Laŭ la ministrino pri Laboro kaj Socia Sekureco, Marta Elena Feitó, ĉi tiuj klopodoj estas parto de la Politiko por Ampleksa Prizorgo de Infanoj, Adoleskantoj kaj Junularo en Kubo, aprobita la pasintan julion en la Nacia Parlamento.

En deklaroj al la gazetaro la antaŭan tagon, post kunveno gvidita de la prezidanto Miguel Díaz-Canel por kontroli ĉi tiun iniciaton, la oficisto atentigis, ke la fokuso de tiaj agoj estas regata de la serĉado de transformo kaj ne de bonfarto.

Ĉi emfazis, ke pli ol 60 elcentoj de la homoj, kiuj aliris laborproponojn pasintjare, estis junuloj, tendenco kiu ankaŭ markis la partoprenon en trejnkursoj, kun cifero pli granda ol 62 elcentoj de kuboanoj enskribiĝantaj en ĉi tiuj aĝoj.

Ĉi estas kategorio, pri kiu ni daŭre laboros kaj antaŭenigos en la venonta periodo, ĉi deklaris en la kunveno okazinta en la Palaco de la Revolucio (ĉefsidejo de la Ekzekutivo).

Laŭ la Prezidenteco de Kubo en sia retejo, Feitó reliefigis la enketon faritan de la Universitata Studenta Federacio en Altlernejoj, por identigi junulojn kun familioj en vundeblaj situacioj, kaj la savon de tiuj, kiuj forlasis siajn hejmojn.

Aliaj agoj realigitaj havas kiel ĉefan fokuson studentojn, kiuj serĉas alternativojn por atingi ekonomian enspezon dum la periodo en kiu ili studas siajn fakojn, plejparte en taskoj ne rilataj al la profiloj de la karieroj, kie ili estas trejnitaj, li aldonis.

Feitó ankaŭ komentis, ke la strategio devas celi realigi malsamajn agojn por korpigi ĉi tiun forton en laborpostenojn asociitajn kun iliaj profiloj kaj tiel utiligi ilian talenton kaj trejnadon en pli altkvalitaj laboroj.

Ĉi ankaŭ signifis, ke la Dekreto-Leĝo pri Patrineco por laboristinoj, aprobita pasintjare, inkluzivas protekton por patrinoj en frua aĝo, kiuj studas, kaj konsideras la rajton ricevi ĉiujn avantaĝojn inkluzivitajn en la jura normo.

Ĉi atentigis, ke ankaŭ prioritatas trakti la temon de junuloj en neformalaj laboroj, kie, laŭ la ministrino, ne ĉiam estas la tuta protekto kaj garantioj por la laboro, kiun ili faras, kio postulas daŭre enprofundiĝi pli en ĉi tiun aferon, kiu ankaŭ inkluzivas dungantojn.

Koncerne ĉi tiun aspekton, ĉi indikis, ke ĉiuj homoj, kiuj laboras en ĉi tiu areo, devas postuli formaligon de sia laborsituacio.

Fonto: PL

<https://www.radiohc.cu/index.php/eo/noticias/nacionales/344197-kubo-prioritatas-laborkreadon-kaj-protektion-de-junularo>



Radio Habana Cuba